

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog konkurentskog zahtjeva za dostavu ponuda za nabavku usluga: „**Servisiranje bagera marke CUKUROVA tip 880**“ (u garantnom roku) – tender br. KZ 19/19 (pozicija 300. iz Plana javnih nabavki za 2019 godinu), zaključuje se:

OKVIRNI SPORAZUM

Između:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija broj 8, Sarajevo (u daljem tekstu: ugovorni organ), koga zastupa direktor Azra Muzur, dipl. inž. građ.

i
2. „**ASM Machinery**“ d.o.o. **Hadžići**, ul. Željeznička br. 8, 71240 Hadžići (u daljem tekstu: ponuđač), koga zastupa direktor Zlatko Perić.

Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke usluga: „**Servisiranje bagera marke CUKUROVA tip 880**“ (u garantnom roku) za koje je proveden konkurentski zahtjev za dostavu ponuda.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma odnosno nabavku čija finansijska vrijednost odnosno period trajanja maksimalno može biti do iznosa i perioda utvrđenog u članu 3. i članu 4. ovog sporazuma, a što će zavisiti od potreba i interesa ugovornog organa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

Član 2.

Okvirni sporazum se zaključuje sa ponuđačem čija ponuda je izabrana kao najpovoljnija nakon provedenog konkurentskog zahtjeva za dostavu ponuda broj: **KZ 19/19**, objavljenog na Portalu javnih nabavki broj 247-7-2-18-3-106/19 od 01.04.2019. godine.

Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: **11.700,00 KM** (slovima: jedanaest hiljadasedamstotina i 00/100 KM).

Član 4.

Okvirni sporazum se zaključuje na period od 12 mjeseci od dana zaključivanja okvirnog sporazuma.

Član 5.

Usluge koje su predmet okvirnog sporazuma su specificirane prema vrsti, količini i jediničnim cijenama u ponudi ponuđača broj: 21-4-19 od 15.04.2019. godine, koja je sastavni dio okvirnog sporazuma.

Član 6.

Odredbe ovog okvirnog sporazuma ne mogu se mijenjati nakon njegovog zaključenja.

Član 7.

Ovaj okvirni sporazum primjenjuje se sa danom potpisivanja obje ugovorne strane.

Član 8.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

Član 9.

Obavještenje o dodjeli okvirnog sporazuma će se objaviti na Portalu javnih nabavki.

Član 10.

Okvirni sporazum sačinjen je u 6 primjeraka, od kojih svaka ugovorna strana zadržava po 3 primjerka.

Ponudač:

Ugovorni organ:



Direktor
Zeljko Perić

v.d. Izvršni direktor
za kanalizacioni sistem


Nihad Žilić, dipl.inž.građ.



Direktor


Azra Muzur, dipl.inž.građ.

Broj: 16-05/19-1

Datum: 16. 05. 2019

Broj: 180/19

Datum: 15. 05. 2019